

წინამდებარე დოკუმენტი დამტკიცებულია

ბუსსს ანრის რექტორის მიერ

2019 წლის 8 მაისის სენატის დადგენილების საფუძველზე, ოქმი N11

შპს ბათუმის უმაღლესი საზღვაო საინჟინრო სასწავლებელი ანრის

უმაღლესი და პროფესიული საგანმანათლებლო პროგრამების

სტუდენტთა უფლებებისა და კანონიერი ინტერესების დაცვის წესი

მუხლი 1.

1. შპს ბათუმის უმაღლესი საზღვაო საინჟინრო სასწავლებელი ანრის უმაღლესი და პროფესიული საგანმანათლებლო პროგრამების სტუდენტთა უფლებებისა და კანონიერი ინტერესების დაცვის წესი ადგენს შპს - ბათუმის უმაღლესი საზღვაო საინჟინრო სასწავლებელი ანრის უმაღლესი და პროფესიული საგანმანათლებლო პროგრამების სტუდენტთა უფლებებისა და მათი დაცვის სამართლებრივ მექანიზმებს.
2. ამ წესის მიზანია სასწავლებლის უმაღლესი და პროფესიული საგანმანათლებლო პროგრამების სტუდენტთა (შემდგომში: სტუდენტთა/პროფესიულ სტუდენტთა) უფლებებისა და კანონიერი ინტერესების დაცვის ხელშესაწყობად ქმედითი მექანიზმის შექმნა.

მუხლი 2 სტუდენტთა უფლებებისა და კანონიერი ინტერესების დაცვის ნორმატიული ბაზა

1. შპს ბათუმის უმაღლესი საზღვაო საინჟინრო სასწავლებელი ანრი სტუდენტთა/პროფესიულ სტუდენტთა უფლებებისა და კანონიერი ინტერესების დაცვის ნორმატიულ საფუძველს წარმოადგენს სასწავლო პროცესის მარეგულირებელ დოკუმენტი, სტუდენტთა და მსმენელთა ეთიკის კოდექსი და სტუდენტთან გაფორმებული ხელშეკრულება. სტუდენტთა/პროფესიულ სტუდენტთა უფლებებისა და კანონიერი ინტერესების დაცვა ასევე ხორციელდება სასწავლებელში მოქმედი სხვა ნორმატიული დოკუმენტაციით დადგენილი წესით.
2. შპს ბათუმის უმაღლესი საზღვაო საინჟინრო სასწავლებელი ანრის შემუშავებული აქვს სასწავლო პროცესის მარეგულირებელი დოკუმენტი (დებულება) რომელიც არეგულირებს სასწავლებელში საგანმანათლებლო პროგრამების განხორციელებასთან და სასწავლო პროცესის წარმართვასთან, სტუდენტის/პროფესიული სტუდენტის სტატუსის მოპოვებასთან, შეჩერებასთან, აღდგენასთან, შეწყვეტასთან, მობილობასთან, განათლების აღიარებასთან, სასწავლო პროცესის ორგანიზებასა და მართვასთან დაკავშირებულ და სხვა საკითხებს;
3. სტუდენტთა/პროფესიულ სტუდენტთა და სასწავლებელს შორის გაფორმებული ხელშეკრულება იცავს სტუდენტის/პროფესიული სტუდენტის უფლებებსა და კანონიერ ინტერესებს. მომსახურების ხელშეკრულებაში გათვალისწინებულია სწავლის პირობები, სასწავლებელსა და სტუდენტის/პროფესიული სტუდენტის უფლებები და

ვალდებულებები, სწავლის საფასური და ანგარიშსწორების წესი, ხელშეკრულების მოქმედების ვადა და შეწყვეტის პირობები, სადაო საკითხების გადაწყვეტის წესი და სხვა.

4. სასწავლებელში შემუშავებულია სტუდენტთა/პროფესიულ სტუდენტთა და მსმენელთა ეთიკის კოდექსი, რომელიც სასწავლებლის ღირებულებების, კანონმდებლობისა და სხვა ნორმატიული აქტების შესაბამისად, ადგენს სტუდენტური და მსმენელთა ქცევის ნორმებს, მათ შორის წამოჭრილი ეთიკური პრობლემების მოგვარების შესაძლო გზებს რომელიც შეიძლება წარმოიშვას სწავლის პროცესში.

5. სტუდენტთა/პროფესიულ სტუდენტთა უფლებებისა და კანონიერი ინტერესების დაცვის მექანიზმები გარანტირებულია ასევე სასწავლებლის სხვა ნორმატიული აქტებით. მაგალითად როგორცაა პლაგიატის გამოვლენისა და მასზე რეაგირების მექანიზმების დებულება, პრაქტიკის, კარიერის დაგეგმვისა და სტუდენტებთან ურთიერთობის განყოფილების დებულება და სხვა.

6. სტუდენტთა/პროფესიულ სტუდენტთა უფლებებისა და კანონიერი ინტერესების დაცვა ასევე ხორციელდება საქართველოს კანონმდებლობით დადგენილი წესით.

მუხლი 3. სტუდენტის/პროფესიული სტუდენტის უფლებები

1. ყველა ის პირი, რომელიც უმაღლესი და პროფესიული განათლების შესახებ საქართველოს კანონებით და სასწავლებლის მარეგულირებელი აქტებით გასაზღვრული წესით ჩაირიცხა და სწავლობს სასწავლებლის ბაკალავრიატის, ასევე პროფესიულ საგანმანათლებლო პროგრამებზე, სარგებლობს სტუდენტის/ პროფესიული სტუდენტის სტატუსით.

2 ყველა სტუდენტი/ პროფესიული სტუდენტი თანასწორია საქართველოს კანონმდებლობისა და საერთაშორისო სამართლის საყოველთაოდ აღიარებული ნორმებისა და პრინციპების წინაშე. დაუშვებელია სტუდენტის/პროფესიული სტუდენტის რაიმე ფორმით დისკრიმინაცია.

3 სტუდენტს/პროფესიულ სტუდენტს უფლება აქვს:

- ა) მიიღოს ხარისხიანი განათლება და მონაწილეობა მიიღოს სამეცნიერო კვლევაში;
- ბ) სასწავლებლის მიერ დადგენილი წესით თანაბარ პირობებში ისარგებლოს სასწავლებლის მატერიალურ-ტექნიკური, საბიბლიოთეკო,საინფორმაციო და სხვა საშუალებებით;
- გ) გაწევრიანდეს სტუდენტურ გაერთიანებებში/საინიციატივო ჯგუფებში, რომლებიც სასწავლებელში სტუდენტთა უფლებების დაცვისა და მრავალეფეროვანი სტუდენტური ცხოვრების უზრუნველყოფასთან დაკავშირებით, თანამშრომლობენ პრაქტიკის, კარიერის დაგეგმვისა და სტუდენტებთან ურთიერთობის განყოფილებასთან და ახდენენ სტუდენტებისთვის მნიშვნელოვანი სხვადასხვა საკითხების ინიცირებას;
- დ) საყოველთაო, პირდაპირი და თანასწორი არჩევნების საფუძველზე, ფარული კენჭისყრით აირჩიოს წარმომადგენელი და არჩეულ იქნეს სტუდენტურ თვითმმართველობაში.
- ე) თავისუფლად დააფუძნოს ან/და გაერთიანდეს სტუდენტურ ორგანიზაციებში თავისი ინტერესების შესაბამისად;
- ვ) თავისუფლად გამოხატოს საკუთარი აზრი და დასაბუთებული უარი თქვას იმ იდეათა გაზიარებაზე, რომელსაც სთავაზობენ სასწავლო პროცესის მიმდინარეობისას;
- ზ) საქართველოს კანონმდებლობითა და სასწავლებლის რეგულაციებით განსაზღვრული წესით გადავიდეს სხვა უმაღლეს საგანმანათლებლო დაწესებულებაში;
- თ) საქართველოს კანონმდებლობისა და სასწავლებლის წესდებისა და სასწავლებლის მარეგულირებელი ნორმატიული აქტების შესაბამისად სახელმწიფოსგან, სასწავლებლისგან

ან სხვა წყაროებიდან მიიღოს სტიპენდია, ფინანსური ან მატერიალური დახმარება, სხვა სახის შეღავათები;

ი) აირჩიოს საგანმანათლებლო პროგრამა;

კ) ინიცირება მოახდინოს ან/და მონაწილეობა მიიღოს ინდივიდუალური საგანმანათლებლო პროგრამის შემუშავებაში.

ლ) სასწავლებლის რეგულაციების შესაბამისად მონაწილეობა მიიღოს აკადემიური პერსონალის, მოწვეული ლექტორებისა და სკოლის ადმინისტრაციის მუშაობის ეფექტიანობის შეფასებაში;

მ) კანონმდებლობით დადგენილი წესით ისარგებლოს მობილობის უფლებით, თუ სასწავლებელი ლიკვიდირებულ იქნა უფლებამონაცვლის განსაზღვრის გარეშე, სასწავლებელმა დაკარგა ავტორიზაცია ან საგანმანათლებლო პროგრამა აღარ ხორციელდება;

ნ) უზრუნველყოფილი იყოს სასწავლებლის მიერ მისი ცოდნის სამართლიანი შეფასებით, დადგენილი პროცედურების შესაბამისად;

ო) გამოიყენოს სასწავლებლის შიდა გასაჩივრების ინსტრუმენტი, საკუთარი უფლებების დასაცავად.

პ) სასამართლოში გაასაჩივროს სასწავლებლის მიერ მის მიმართ მიღებული გადაწყვეტილება;

ჟ) განახორციელოს ამ წესით, სასწავლებლის სხვა რეგულაციებითა და საქართველოს კანონმდებლობით მისთვის მინიჭებული სხვა უფლებამოსილება.

3. სტუდენტის მიერ აკადემიური პერსონალის თანდასწრებით გამოთქმული პირადი ინფორმაცია, ასევე ინფორმაცია საკუთარი შეხედულებების, რწმენისა და პოლიტიკური მრწამსის შესახებ, რომელიც ამ უკანასკნელისთვის ცნობილი გახდა სასწავლო პროცესის მიმდინარეობისას, აგრეთვე ინფორმაცია სტუდენტის მიმართ დისციპლინური ღონისძიების გატარების შესახებ კონფიდენციალურია, გარდა იმ შემთხვევისა, თუ არსებობს სტუდენტის ნებართვა, ან ადმინისტრაციის კანონიერი ინტერესი დაიცვას სხვისი უსაფრთხოება და კანონით დაცული უფლებები.

4. სასწავლებელს ეკრძალება საკუთარი უფლებამოსილებისა და მატერიალურ-ტექნიკური ბაზის იმგვარად გამოყენება, რამაც შეიძლება შექმნას ცენზურის დაწესების საფრთხე ან შეზღუდოს გამოხატვის თავისუფლება, გარდა კანონმდებლობით და სასწავლებლის რეგულაციებით განსაზღვრული შემთხვევებისა.

მუხლი 4. დისციპლინური საქმისწარმოებისას სტუდენტის პროფესიული სტუდენტის უფლებები

1. სტუდენტის მიმართ დისციპლინური წარმოება უნდა იყოს დისციპლინური გადაცდომის პროპორციული და შეიძლება განხორციელდეს მხოლოდ სასწავლებლის რეგულაციებით გათვალისწინებულ შემთხვევებში და გათვალისწინებული წესით, კანონმდებლობით გათვალისწინებით და სამართლიანი პროცედურის გზით.

2. სტუდენტის/პროფესიული სტუდენტის მიმართ დისციპლინური წარმოების დაწყება არ უნდა ზღუდავდეს სტუდენტის უფლებას, მონაწილეობა მიიღოს სასწავლო პროცესში, გარდა იმ შემთხვევებისა, თუ ეს საფრთხეს უქმნის სხვისი უფლებების, ჯანმრთელობის, სასწავლებლის საკუთრებისა და უსაფრთხოების დაცვას.

3. დისციპლინური წარმოების განხორციელებისას სტუდენტს/პროფესიულ სტუდენტს უფლება აქვს:

- ა) წერილობითი ფორმით მიიღოს დასაბუთებული გადაწყვეტილება მის მიმართ დისციპლინური წარმოების დაწყების შესახებ;
 - ბ) დაესწროს მის მიმართ დისციპლინური წარმოების საკითხის განხილვას, ისარგებლოს დაცვის უფლებით;
 - გ) მიაწოდოს სათანადო ორგანოებს მის ხელთ არსებული ინფორმაცია და მტკიცებულებები;
 - დ) მონაწილეობა მიიღოს სათანადო ორგანოს მიერ მოპოვებული მტკიცებულებების გამოკვლევაში;
 - ე) მოითხოვოს, მის მიმართ დისციპლინური წარმოების საკითხი განხილულ იქნეს საჯაროდ და განსაზღვროს პირები, რომელთა სხდომაზე მონაწილეობა მიაჩნია მართებულად.
 - ვ) სასამართლოში გაასაჩივროს სასწავლებლის მიერ მის მიმართ მიღებული გადაწყვეტილება.
4. დისციპლინური წარმოების საკითხის განხილვისას მტკიცების ტვირთი აწევს ბრალდების მხარეს. დისციპლინური წარმოების განხორციელების შესახებ გადაწყვეტილება უნდა იყოს დასაბუთებული და ემყარებოდეს საქართველოს კანონმდებლობით და რეგულაციებით გათვალისწინებული წესით მოპოვებულ მტკიცებულებებს.

მუხლი 5. სტუდენტების პროფესიული სტუდენტების უფლებების და კანონიერი დაცვის ინსტიტუტები

სასწავლებელში სტუდენტების პროფესიული სტუდენტების უფლებების და კანონიერი დაცვის ინსტიტუტებია:

- ა) სტუდენტური თვითმმართველობა, სტუდენტური თვითმმართველობა;
- ბ) პრაქტიკის, კარიერის დაგეგმვისა და სტუდენტებთან ურთიერთობის განყოფილება;
- გ) ფაკულტეტის და სასწავლებლის ადმინისტრაცია.

მუხლი 6. სტუდენტების/პროფესიული სტუდენტების უფლებებისა და კანონიერი ინტერესების დაცვის მექანიზმები

სასწავლებელში სტუდენტების უფლებებისა და კანონიერი ინტერესების დაცვის მექანიზმებია:

- ა) სტუდენტური თვითმმართველობის მიერ სტუდენტური მხარდაჭერის პროექტების განხორციელება, სტუდენტების უფლებების დაცვა სასწავლებელში;
- ბ) პრაქტიკის, კარიერის დაგეგმვისა და სტუდენტებთან ურთიერთობის განყოფილების მიერ სტუდენტების უფლებების დაცვის მიზნით განხორციელებული ქმედებები და დასაქმების მხარდაჭერა;
- გ) ფაკულტეტის და სასწავლებლის ადმინისტრაციის მიერ სტუდენტებისათვის შესაბამისი გარემოს უზრუნველყოფა და პრობლემებზე რეაგირება;
- დ) სასწავლებლის მიერ განხორციელებული სოციალური პროგრამები;
- ე) სტუდენტების მიერ სასწავლო კომპონენტში მიღებული შეფასების გასაჩივრება;
- ვ) სტუდენტთა დადებული ხელშეკრულება.

მუხლი 7. პრაქტიკის, კარიერის დაგეგმვისა და სტუდენტებთან ურთიერთობის განყოფილებისა და სტუდენტთა თვითმმართველობის მიერ სტუდენტების უფლებების დაცვის მიზნით განხორციელებული ღონისძიებები

1. თუ პრაქტიკის, კარიერის დაგეგმვისა და სტუდენტებთან ურთიერთობის განყოფილება ან სტუდენტთა თვითმმართველობა დაადგენს სტუდენტთა უფლებებისა და კანონიერი ინტერესების დარღვევის ფაქტს, ისინი უფლებამოსილი არიან:

ა) მიმართონ უფლებადამრღვევ პირს სტუდენტის უფლებების დარღვევის ფაქტის აღკვეთისა და დარღვეული უფლების აღდგენის მიზნით. , გარდა ამ მუხლის „ბ“ ქვეპუნქტით

გათვალისწინებული შემთხვევისა;

ბ) თუ მოკვლევის შედეგად გამოიკვეთა სტუდენტთა უფლებების უხეშად დარღვევის ფაქტი, მიმართონ სასწავლებლის ადმინისტრაციას იმ პირთა დისციპლინური პასუხისმგებლობის შესახებ, რომელთა მოქმედებამაც გამოიწვია სტუდენტის უფლებათა და თავისუფლებათა დარღვევა;

გ) სტუდენტის დარღვეულ უფლებათა და თავისუფლებათა აღსადგენად წინადადებები და რეკომენდაციები გაუგზავნონ სასწავლებლის იმ სტრუქტურულ ერთეულებს ან ადმინისტრაციულ პერსონალს ან/და სხვა პირებს, რომელთა მოქმედებამაც გამოიწვია სტუდენტის უფლებათა და თავისუფლებათა დარღვევა;

დ) წინადადებით მიმართონ შესაბამის საგამომიებო ორგანოებს თუ საქმის განხილვის შედეგად გამოიკვეთა, რომ არსებობს დანაშაულის ნიშნები;